

### АНЫҚТАМАЛАР МЕН ТАЛҚЫЛАУЛАР

1. Шартта тікелей басқаша қарастырылмаса, осы Шартта және оның Қосымшаларда қолданылатын барлық терминдер мен анықтамалар келесі мағынаға ие.

«Қолданыстағы заңнама»	Микрокредит беру туралы шартқа қол қойылғанда қолданылатын Қазақстан Республикасының заңнамасы
«Қарыз»	Микрокредит беру туралы шартпен анықталған тәртіпте және талаптарда Toyota/Lexus Тауарларын және Қызметтерін сатып алу үшін Ресми дилердің ағымдағы шотына Қарыз сомасын аудару арқылы ақылы, мерзімді, қайтару талаптарында Қазақстан Республикасының ұлттық валютасында Қарыз алушыға ТФС берген микрокредит (акша)
«Ресми дилер»	Қазақстандағы Toyota және Lexus лицензияланған дилерлер желісі (франчайзинг)
«Тараптар»	Кепіл беруші мен Кепіл ұстаушы
«Кепіл»	Осы Шартқа сәйкес Көлік құралы кепілі
«Кепіл нысаны»	Микрокредит беру туралы шартына сәйкес берілген Қарызға сатып алынған автокөлік құралын кепілге қою шартына сәйкес кепілге берілген көлік құралы
«Микрокредит беру ережелері»	Қолданыстағы заңнамаға сәйкес әзірленген және микрокредит беру қағидаларын, процедураларын, талаптарын анықтайтын ТФС ішкі ережелері

1

2. Контексте басқаша көрсетілмесе, жекеше түрде берілген терминдер мен анықтамаларға жасалған кез келген сілтемелер көпше түрдегі терминдер мен анықтамаларға жасалған сілтемелерді де білдіреді.
3. Тікелей басқаша көрсетілмесе, Бапқа, Тармаққа жасалған сілтеме осы Шарттың Бабына немесе Тармағына жасалған сілтеме болып табылады.
4. Тақырыпшалар сілтеме жасауға ыңғайлы болу үшін келтірілген және осы Шартты талқылау үшін қолданылмайды.

## ЖАЛПЫ ТАЛАПТАР

1. Кепіл берушінің Кепіл нысанына меншік құқығы келесі құжаттармен расталады:
  - 1.1 көлік құралын тіркеу туралы куәлік;
  - 1.2 автокөлік құралын иелену туралы шарт.
2. Кепіл беруші Тараптардың келісімі бойынша анықталған Кепіл нысанының құнымен сөзсіз келіседі және Кепіл нысанының құнына қатысты Кепіл ұстаушыға қарсылығы, шағымы жоқ, болашақта да болмайды.
3. Осы арқылы Кепіл беруші Кепіл ұстаушыға тәуелсіз бағалау жүргізу шартын жасауды, Кепіл нысанының нарық құнын анықтау үшін бағалау туралы есепті құрастыруды, соның ішінде Кепіл нысаны сатылғанда және/немесе Кепіл ұстаушы Кепіл нысанын өз меншігіне айналдырғанда сеніп тапсырады.
4. Осы Шарт преамбуласында аталған Тараптардың уәкілетті өкілдері қол қойған кезден бастап күшіне енеді және осы Шарттың төмендегі 5-тармағының талаптарын есепке ала отырып, Кепіл беруші Микрокредит беру туралы шарт бойынша және осы Шарт бойынша барлық міндеттемелерін орындағанға дейін немесе Қолданыстағы заңнамамен белгіленген кепіл шартының күшін тоқтату жөніндегі басқа негіздер басталғанға дейін (осы негіздердің қайсысының ерте басталуына байланысты) қолданылады.
5. Кепіл берушінің Кепіл ұстаушының алдында кез келген басқа міндеттемелері бойынша мерзімі кешіктірілген берешегі болса, осы Шарттың күші осы берешек өтелгенге дейін ұзартылады.
6. Қолданыстағы заңнамамен белгіленген тәртіпте осы Шарт тіркелген кезден бастап Кепіл нысанына кепіл құқығы Кепіл ұстаушыда туындайды.
7. Осы Шарттың жоғарыда аталған 6-тармағына сәйкес осы Шарт бойынша кепіл құқығы туындаған кезден бастап осы кезге дейін орын алған, Кепіл нысанына қатысты Тараптардың барлық жазбаша және ауызша шарттары, басқа да келісімдері, соның ішінде кез келген алдын ала жасалған кепіл шарттары заңды күшін тоқтатады.
8. Осы Шарттың барлық өзгерістері және/немесе толықтырулары жазбаша әзірленіп, оларға Тараптардың уәкілетті өкілдері қолдарын қояды.
9. Қолданыстағы заңнамамен қарастырылған жағдайларды есепке алмағанда осы Шартты орындаудан бір тарапты бас тартуға, бір тарапты өзгертуге, толықтыруға және/немесе бұзуға жол берілмейді.
10. Кепіл беруші Кепіл нысанының оқыс жойылу немесе бүліну тәуекелін көтереді.
11. Осы арқылы Кепіл беруші Кепіл нысаны Кепіл берушіге меншік құқығында тиесілі, үшінші тұлғалардың құқықтарынан (талаптарынан) бос, жекелеп алғанда, ортақ меншік құқығының нысаны емес, кепілге қойылмаған, тыйым салынбаған, қандай да бір әдістермен үшінші тұлғаларға шеттетілмеген, осы Шарт күшінде болатын бүкіл мерзім

бойы заңды және нақты ауыртпалық артылмаған (осы Шартқа сәйкес салынатын ауыртпалықтарды есепке алмағанда), өндіріп алуға жол берілмейді деп кепілдік береді.

12. Кепіл беруші Кепіл нысанына өкімдік етуге қатысты осы Шарт талаптарын орындамаған жағдайда Кепіл ұстаушыға осындай әрекеттерімен келтірген кез келген залалды өтеуге міндетті, сондай-ақ Кепіл ұстаушы Микрокредит беру туралы шарт бойынша міндеттемелерін мерзімінен бұрын орындауды Кепіл берушіден талап етуге құқылы.
13. Осы Шартты жасағаннан кейін Қолданыстағы заңнамамен Кепіл ұстаушының жағдайын нашарлататын ережелер (қағидалар) белгіленсе, осы Шарттың талаптары Кепіл ұстаушының талабы бойынша өзгертілуі керек.
14. Осы Шарттан немесе оған байланысты туындайтын Тараптардың арасындағы барлық даулар мен келіспеушіліктер Қолданыстағы заңнамамен қарастырылған тәртіпте шешіледі.
15. Кепіл беруші қайтыс болған жағдайда осы Шарт бойынша құқықтар мен міндеттемелер Қолданыстағы заңнамаға сәйкес оның құқылы мирасқорларына өтеді.
16. Тараптар Кепіл беруші Микрокредит беру туралы шарт бойынша міндеттемелерін орындамаған немесе тиісті түрде орындамаған жағдайда Кепіл нысанының сақталуын қамтамасыз ету мақсатында Кепіл ұстаушының Кепіл берушінің қаражаты есебінен арнайы жабдықталған, күзет қызметін атқаруға лицензиясы бар бөтен ұйымдардың күзетілетін аумағына немесе Кепіл ұстаушының қорғалатын күзетілетін аумағына жеткізу арқылы Кепіл нысанын Кепіл ұстаушының өндіріп алуына сөзсіз, кері алынбайтын келісімін береді, ал Кепіл ұстаушы өндіріп алуға құқылы деп келісті. Кепіл беруші Кепіл ұстаушының бірінші талабы бойынша Кепіл нысанының күзетілуін қамтамасыз ету жөніндегі Кепіл ұстаушының барлық шығындарын өтеуге міндеттенеді.
17. Кепіл беруші Кепіл нысанына қатысты күзет іс-шараларының шығындар сомасын Кепіл ұстаушыға төлемеген/өтемеген жағдайда Кепіл ұстаушы келесілерден Кепіл берушінің берешек сомасын алу үшін осындай шығындарды өтеуге құқылы:
  - 17.1 игерілмеген Қарыз сомасынан (болса);
  - 17.2 таратылған Кепіл нысанының сомасынан.
18. Осы Шартпен тікелей қарастырылмаған барлық басқа жағдайларда Тараптар Қолданыстағы заңнаманы басшылыққа алады.
19. Осы Шарт (және бөлінбес бір бөлігі болып табылатын қосымшалары) және Микрокредит беру туралы шарт бірыңғай құқықтық құрал болып табылады және әрбір құжат екіншісінің бөлінбес бір бөлігі болып табылады.
20. Кепіл беруші құқылы:
  - 20.1 Микрокредит беру туралы шарт бойынша Кепіл ұстаушының алдындағы барлық міндеттемелерін тиісті түрде толық орындағаннан кейін Кепіл нысанының ауыртпалығын алып тастауды Кепіл ұстаушыдан талап етуге;
  - 20.2 негізгі борышты (Қарыз сомасын), Қарызды пайдаланғаны үшін Кепіл ұстаушыға төленуге тиісті сыйақыны, тұрақсыздық айыбын, сондай-ақ Кепіл берушінің Кепіл ұстаушы алдындағы міндеттемелерін орындамауына (тиісті

түрде орындамауына) байланысты Кепіл ұстаушы көтерген шығындарды қоса алғанда нақты қанағаттандыру кезіндегі көлемде Кепіл ұстаушының талаптарын қанағаттандырып, Кепіл нысанын өндіріп алу мен таратуды тоқтатуға.

21. Кепіл беруші міндетті:

- 21.1 Кепіл нысанының тиісті сақталуы, пайдаланылуы үшін қажетті барлық шараларды атқаруға, соның ішінде құнын сақтау мақсатында жөндеуге (табиғи тозуды есепке ала отырып);
- 21.2 Кепіл нысанының жойылу немесе бүліну қауіпінің туындауы туралы Кепіл ұстаушыға бірден жазбаша хабарлауға және қауіпті тоқтату жөніндегі барлық ықтимал шараларды атқаруға;
- 21.3 Кепіл нысаны жойылса, бүлінсе, сынса немесе Кепіл нысанының нарық құны қомақты азайып кетсе немесе заңнамалық немесе орындауға міндетті басқа актілермен белгіленген негіздер бойынша Кепіл берушінің оған меншік құқығы тоқтаса, Кепіл ұстаушының алдын ала беретін жазбаша келісімімен немесе жазбаша талабымен Кепіл нысанын бағасы бірдей және өтімді басқа мүлікпен ауыстыруға;
- 21.4 Кепіл нысаны жойылса, бүлінсе, сынса бірден, сақтандыру төлім жоқта бірақ 24 сағаттан кешіктірмей бұл туралы Кепіл ұстаушыға хабарлауға немесе Кепіл нысанын ауыртпалық артылмаған, бағасы бірдей және өтімді басқа мүлікпен ауыстыруға немесе меншікті қаражаты есебінен Кепіл нысанын қалпына келтіруге;
- 21.5 Кепіл нысанына қатысты немесе қатысты болуы мүмкін, мемлекеттік орган, мекеме немесе қандай да бір үшінші тарап Кепіл берушіге берген кез келген өкім, нұсқау, жазбаша талап, рұқсат, хабарлама немесе кез келген басқа құжат туралы Кепіл ұстаушыға бірден жазбаша хабарлауға;
- 21.6 осы Шартты жасау, рәсімдеу, мемлекеттік тіркеу, сондай-ақ тиісті мемлекеттік органда кепіл күшінің тоқтауын тіркеу бойынша барлық шығындарды көтеруге;
- 21.7 қол қойылған күннен бастап 3 (үш) күнтізбелік күн ішінде тиісті тіркеуші органда осы Шартты тіркеуге;
- 21.8 осы Шарт мемлекеттік тіркелген кезден бастап 3 (үш) күнтізбелік күн ішінде Кепіл ұстаушыға тіркеуші органның тіркеу туралы белгісі бар, осы Шарттың түпнұсқа бір данасын беруге;
- 21.9 Кепіл ұстаушының бірінші талабы бойынша осы Шарттың талаптарына сәйкес Кепіл нысанының күзетілуін қамтамасыз ету жөніндегі Кепіл ұстаушының барлық шығындарын өтеуге;
- 21.10 осы Шарт бойынша Кепіл беруші міндеттемелерінің орындалуын тексеруде Кепіл ұстаушыға жан-жақты көмек көрсетуге, соның ішінде, бірақ бұнымен шектелмей, Кепіл ұстаушыға оның талап етуімен Кепіл ұстаушының ішкі құжаттарына сәйкес кепілдер қорын жүргізу үшін қажетті құжаттарды және/немесе ақпаратты беруге, тексеру және бақылау жүргізгенде Кепіл нысанын суретке түсіруге. Осы арқылы Кепіл беруші осы тармақ талаптарына сәйкес Кепіл нысанының суретін түсіруге сөзсіз келісімін береді;

- 21.11 Микрокредит беру туралы Шартқа қол қойған күнінен бастап 2 (екі) жұмыс күні ішінде осы Шарт күшінде болатын бүкіл мерзімге Кепіл ұстаушы белгіленген сақтандыру компаниясында Кепіл нысанын сақтандыруға және осы күшімен байланысты барлық шығындарды көтеруге.
22. Кепіл беруші осы Шартпен белгіленген берілген Қарыздың қамтамасыз етілу дәрежесін төмендетпей Кепіл ұстаушының жазбаша келісімімен Кепіл берушінің бастамасымен кепіл қамтамасыз етуін өзгерткені үшін (кепілді ауыстыру; кепіл берушіні ауыстыру; кепілге қойылған мүліктің бір бөлігін босату, басқа) комиссиялар (комиссиялық сыйақы) төлеуге міндеттенеді.
23. Кепіл ұстаушы құқылы:
- 23.1 Кепіл берушіден Кепіл нысанын сақтау және пайдалану үшін қажетті және жеткілікті шаралар қабылдауды, соның ішінде Кепіл нысанының құнын сақтау үшін (табиғи тозуды есепке ала отырып) жөндеуді талап етуге;
- 23.2 кез келген тұлғадан (соның ішінде Кепіл берушіден) Кепіл нысанына кез келген қол сұғушылықты тоқтатуды немесе Кепіл нысанының жойылуына немесе бүлінуіне немесе нарық құнының қомақты азаюына қауіп төндіретін, оған қатысты әрекеттерді (әрекетсіздікті) тоқтатуды талап етуге;
- 23.3 кез келген уақытта құжаттар бойынша және нақты Кепіл нысанының болуын, сақталуын, жайын, пайдаланылу талаптарын тексеруге, ал Кепіл беруші оған жан-жақты көмек көрсетуге міндетті;
- 23.4 Кепіл беруші осы Шарттың жоғарыдағы 23.3 тармағымен қарастырылған талаптарды орындамаған жағдайда Кепіл ұстаушы Кепіл берушіден Микрокредит беру туралы шарт бойынша міндеттемелерін мерзімінен бұрын орындауды талап етуге, егер талап қанағаттандырылмаса, Кепіл нысанын өндіріп алуға құқылы;
- 23.5 Кепіл нысаны жойылған, бүлінген, нарықтық құны қомақты төмендеген жағдайда (немесе басталу қауіпі туындағанда) немесе Қолданыстағы заңнамамен немесе орындау үшін міндетті басқа актілермен белгіленген негіздер бойынша меншік құқығы тоқтағанда бірден Кепіл берушіден Микрокредит беру туралы шарт бойынша міндеттемелерін мерзімінен бұрын орындауды талап етуге, Кепіл берушіден Кепіл нысанын басқа ауыртпалық артылмаған, бағасы теңдей, өтімді мүлікпен ауыстыруды талап етуге, ал Кепіл нысанын ауыстырудан бас тартқан немесе ауыстыру мүмкін емес болған жағдайда Кепіл берушіден бірден Микрокредит беру туралы шарт бойынша міндеттемелерін мерзімінен бұрын орындауды талап етуге. Кепіл нысаны Кепіл ұстаушының тиісті талабын алған күннен бастап 10 (он) жұмыс күні ішінде ауыстырылуы керек;
- 23.6 Кепіл ұстаушы Кепіл берушіге келесі жағдайларда жіберген тиісті жазбаша талапта көрсетілген мерзімде Кепіл берушіден Микрокредит беру туралы шарт бойынша міндеттемелерін мерзімінен бұрын орындауды талап етуге:
- осы Шартпен және Қолданыстағы заңнамамен қарастырылған мерзімде және жағдайларда Кепіл беруші Кепіл ұстаушыға Кепіл нысанының орнына басқа мүлікті кепілге бермеген жағдайда;
  - Кепіл берушіге қарсы мемлекеттік органдардың қандай да бір актісі, соның

ішінде осы Шарт бойынша міндеттемелерін орындауға кедергі келтіретін сот актілері қабылданса;

- Кепіл беруші осы Шарттың және/немесе Микрокредит беру туралы шарттың талаптарын орындамаса.

23.7 Кепіл беруші Микрокредит беру туралы шарт бойынша міндеттемелерін орындамаған (тиісті түрде орындамаған) жағдайда Кепіл нысанын соттан тыс дербес тәртіпте тарату арқылы оның құнынан өз талаптарын қанағаттандыруға;

23.8 Кепіл беруші Микрокредит беру туралы шарт бойынша міндеттемелерінің бір бөлігін орындамаған жағдайда бүкіл Кепіл нысанына кепіл құқығын сақтауға;

23.9 Кепіл ұстаушының талабымен қарастырылған мерзімде осы Шарттың 23.6 тармағымен қарастырылған Кепіл ұстаушының талабын орындамаған жағдайда, сондай-ақ Кепіл ұстаушының алдындағы кез келген басқа міндеттемелері бойынша Кепіл берушінің мерзімі кешіктірілген берешегі болса, Микрокредит беру туралы шарт бойынша міндеттемелерді есепке алмағанда осындай берешек туындаған кезден бастап 2 (екі) ай ішінде осы Шартпен қарастырылған тәртіпте Кепіл нысанын өндіріп алуға;

23.10 Кепіл нысанын сатудан түскен сома Микрокредит беру туралы шарт бойынша Кепіл ұстаушының алдындағы Кепіл берушінің бүкіл берешегін өтеу үшін жеткіліксіз болса, Қолданыстағы заңнамаға сәйкес Кепіл берушінің басқа мүлкінен жетпейтін соманы алуға;

23.11 Кепіл берушіден осы Шарт күшінде болатын мерзімде Кепіл нысанын сақтандыруды талап етуге;

23.12 Кепіл беруші осы Шарттың талаптарын, соның ішінде Кепіл нысанын иелену және пайдалану жөніндегі міндеттемелерін орындамаған жағдайда Кепіл ұстаушы Кепіл берушіден Микрокредит беру туралы шарт бойынша міндеттемелерін мерзімінен бұрын орындауды талап етуге құқылы;

23.13 осы Шарт ережелері бұзылса, үшінші тұлғаларға, соның ішінде коллекторлық компанияларға осы Шарт бойынша талап ету құқығын беруге, бірақ Кепіл ұстаушы Микрокредит беру туралы шарт бойынша талап ету құқықтарын осы тұлғаға беруі керек;

23.14 осы Шарттың және Микрокредит беру туралы шарттың кез келген ережесі бұзылса, Кепіл нысанын өндіріп алуға.

24. Кепіл ұстаушы міндетті:

24.1 Кепіл беруші Микрокредит беру туралы шарт бойынша міндеттемелерін уақтылы және толық орындаса, Кепіл берушінің функционалдық мәніне сәйкес Кепіл нысанын иелену және пайдалану құқықтарын шектемеуге.

25. (i) Кепіл беруші Кепіл ұстаушы берген Қарызды Кепіл ұстаушыға қайтару, ол бойынша сыйақы төлеу, Микрокредит беру туралы шартта келісілген мерзімде және талаптарда Микрокредит беру туралы шарт бойынша Кепіл ұстаушының операциялық және басқа шығындарының сомаларын өтеу жөніндегі міндеттемелерін орындамаған және/немесе тиісті түрде орындамаған жағдайда, (ii) Кепіл беруші Микрокредит беру туралы шартта көрсетілген қандай да бір басқа міндеттемелерін орындамаған және/немесе тиісті түрде

орындамаған жағдайда Кепіл ұстаушы Кепіл нысанын сот немесе соттан тыс тәртіпте өндіріп алуға құқылы. Кепіл беруші Микрокредит беру туралы шарт талаптарымен қарастырылған міндеттемелерін орындамағаннан кейінгі немесе тиісті түрде орындамағаннан кейінгі 31 (отыз бірінші) күні Кепіл ұстаушыда Кепіл нысанын өндіріп алу құқығы туындайды. Микрокредит беру туралы шарт бойынша міндеттемелерінен басқа Кепіл нысанымен қамтамасыз етілген, Кепіл ұстаушының алдындағы кез келген міндеттемелері бойынша Кепіл берушінің мерзімі кешіктірілген берешегі сақталған жағдайда осындай берешек құрылған кезден бастап 2 (екі) ай ішінде Кепіл ұстаушы Кепіл нысанын сот немесе соттан тыс тәртіпте өндіріп алуға құқылы.

26. Кепіл нысанын өндіріп алу үшін сот органдарының шешімдері талап етілмейді. Кепіл ұстаушы Қолданыстағы заңнама талаптарына сәйкес соттан тыс тәртіпте Кепіл нысанын таратуға құқылы. Кепіл ұстаушы соттан тыс тәртіпте Кепіл нысанын тарату бойынша сауда-саттық (аукцион) өткізетін сенімді тұлғаны тағайындайды.
27. Кепіл нысаны ұлттық валюта – теңгеде таратылады.
28. Кепіл нысанының құны есебінен Кепіл ұстаушы Микрокредит беру туралы шартпен белгіленген берешекті өтеу кезектілігіне сәйкес негізгі борыш сомасын (Қарыз сомасын), Қарызды пайдаланғаны үшін Кепіл беруші Кепіл ұстаушыға төлеуге тиісті сыйақыны, Кепіл берушінің Микрокредит беру туралы шарт бойынша міндеттемелерін орындамау (тиісті түрде орындамау) арқылы келтірілген шығындарды, сондай-ақ тұрақсыздық айыбын, басқа да шығындарды, Микрокредит беру туралы шарт бойынша Кепіл берушінің міндеттемелерін орындамауына (тиісті түрде орындамауына) байланысты Кепіл ұстаушы көтерген шығыстарды, сондай-ақ Микрокредит беру туралы шарттың талаптарына сәйкес Кепіл беруші Кепіл ұстаушыға төлеуге тиісті соманы қоса алғанда нақты қанағаттандыру кезінде анықталатын толық көлемде Микрокредит беру туралы шарт бойынша Кепіл берушіге қоятын талаптарын қанағаттандыруға құқылы.
29. Микрокредит беру туралы шарт бойынша Кепіл нысанын күтіп ұстаумен және оны өндіріп алумен байланысты шығындар, бірінші кезекте, Кепіл нысанын сатқанда төленетін салықтар Кепіл нысанын тарату сомасынан немесе Кепіл нысанын сатудан түскен қаражат жетпеген жағдайда Кепіл берушінің басқа қаражаты мен мүлкі есебінен өтелуі керек.
30. Кепіл ұстаушы Қарыз сомасын, ол бойынша сыйақыны, Кепіл берушінің Микрокредит беру туралы шарт бойынша міндеттемелерін орындамау (тиісті түрде орындамау) арқылы келтірілген шығындарын, сондай-ақ тұрақсыздық айыбын, басқа да шығындарды, Микрокредит беру туралы шарт бойынша Кепіл берушінің міндеттемелерін орындамауына (тиісті түрде орындамауына) байланысты Кепіл ұстаушы көтерген шығыстарды мерзімінен бұрын өндіріп алғанда Микрокредит беру туралы шартпен белгіленген негіздер бойынша Кепіл нысанын да соттан тыс тәртіпте өндіріп алуға құқылы.
31. Кепіл беруші осы Шартқа қол қою арқылы өзінің келесіге сөзсіз келесімін білдіреді:
  - 32.1 Кепіл берушінің қосымша келісімінсіз Кепіл нысанының бастапқы бағасын Кепіл ұстаушының анықтауына;
  - 32.2 Кепіл берушінің қосымша келісімінсіз Қазақстан Республикасының заңнама талаптарына сәйкес Кепіл нысанын сатуға мүмкіндік беретін сауда-саттық әдісін Кепіл ұстаушының анықтауына және өзгертуіне.

32. Тараптар осы Шарт бойынша міндеттемелерін бұзғаны үшін Қолданыстағы заңнамаға

және осы Шарттың талаптарына сәйкес жауапкершілік көтереді.

33. Кепіл беруші осы Шарт бойынша міндеттемелерін орындамаған және/немесе тиісті түрде орындамаған жағдайда ол Кепіл ұстаушыға осылайша келтірілген барлық шығындарды, соның ішінде Қолданыстағы заңнамаға сәйкес қолдан кеткен пайданы өтейді.
34. Осы арқылы Кепіл беруші осы Шартпен және Қолданыстағы заңнамамен белгіленген тәртіпте және мерзімде Кепіл берушінің мүлкін Кепіл ұстаушының ұстауына сөзсіз және кері алынбайтын келісімін білдіреді.
35. Кепіл ұстаушымен келіспей Кепіл нысанымен мәміле жасағанда немесе Кепіл нысаны болып табылатын мүліктің мақсатты мәні өзгерген жағдайда, Кепіл берушінің кінәсінен Кепіл нысаны жойылса, бүлінсе немесе нарықтық құны қомақты азайса, Кепіл берушінің кінәсінен Кепіл берушінің Кепіл нысанынан меншік құқығы тоқтаса, Кепіл беруші Кепіл ұстаушының талап етуімен Кепіл нысанын Кепіл ұстаушының талаптарын қанағаттандыратын, өтімділігі жоғары және бағасы теңдей мүлікпен, ақшамен, құндылықтармен ауыстыруға міндетті. Бұл орайда, Кепіл беруші берешектің қалдық сомасының 25% (жиырма бес пайыз) мөлшерінде Кепіл ұстаушыға төлейді.
36. Кепіл беруші кепіл қамтамасыз етуін уақтылы рәсімдемегені үшін, сондай-ақ уақтылы тапсырмағаны үшін, Кепіл нысанын ауыстыру мерзімін бұзғаны үшін Кепіл ұстаушының алдында жауапкершілік көтереді және Кепіл нысанымен қамтамасыз етілмеген негізгі борыш сомасының 10% (он пайыз) мөлшерінде тұрақсыздық айыбын (айыппұл) төлейді.
37. Осы Шартпен Кепіл беруші өзі осы Шарт бойынша міндеттемелерін орындамаған (тиісті түрде орындамаған) жағдайда Кепіл ұстаушы Кепіл беруші таныс Кепіл ұстаушының ішкі құжаттарына сәйкес осы Шартпен қарастырылған тұрақсыздық айыбының сомасын есептеуге құқылы деп мойындайды және келіседі.
38. Кепіл беруші осы Шарттың 21.3 тармағында көрсетілген талаптарды орындамаған жағдайда Кепіл ұстаушы Кепіл берушіден Микрокредит беру туралы шарт бойынша міндеттемелерін мерзімінен бұрын орындауды талап етуге құқылы.
39. Кепіл беруші осы Шарт бойынша міндеттемелерін орындамаған немесе тиісті түрде орындамаған жағдайда оның тұрақсыздық айыбын (өсімақы мен айыппұлдарды) төлеуі және/немесе шығындарды өтеуі Кепіл берушіні Шарт бойынша міндеттемелерін тиісті орындаудан босатпайды.
40. Тараптар Қарыз алушы осы шарт күшінде болатын бүкіл мерзімде Кепіл нысанының сақталуын қамтамасыз етуге міндетті деп келісті. Кепіл нысаны зақымданған жағдайда сақтандыру оқиғасы нәтижесінде сақтандыру келісім шарты бойынша кепіл беруші олжалаушы болып табылады. Кепіл нысаны толықтай опат болған немесе жойылған жағдайда сақтандыру оқиғасы нәтижесінде сақтандыру келісім шарты бойынша:
  - 40.1 Кепіл алушы кепіл беруші займы бойынша сақтандыру оқиғасы күніне есептелген сыйақы, өсімақы және айыппұлдарды өз ішіне алатын қарыз сомасының мөлшерінде олжалаушы болады ;
  - 40.2 Кепіл беруші есептелген төлемақы сомасымен кепіл алушы алдындағы қарызы айырмасы мөлшерінде олжалаушы болады.



41. Осы арқылы Кепіл беруші Кепіл ұстаушыға тәуелсіз бағалау жүргізу шартын жасауды, Кепіл нысанының нарықтық құнын анықтау үшін бағалау туралы есепті құрастыруды, соның ішінде Кепіл нысаны таратылғанда және/немесе Кепіл ұстаушы Кепіл нысанын меншігіне айналдырғанда сеніп тапсырады.
42. Алдыңғы Сақтандыру шартының күші аяқталған күннен кейін 30 (отыз) күнтізбелік күннен көп уақытқа сақтандыру талаптары бұзылған жағдайда Кепіл беруші Кепіл ұстаушыға Сақтандыру шартының күші аяқталған күнгі жағдай бойынша негізгі борыш сомасының 2% (екі пайыз ) мөлшерінде айыппұл төлеуге міндетті.
43. Кепіл беруші сақтандыру жағдайының басталу фактісін, соның ішінде Кепіл нысанына келтірілген шығынды растайтын барлық қажетті құжаттарды тапсыруға міндетті.
44. Сақтандыруды туралы ақпарат Кепіл ұстаушыға келіп түссе, Кепіл ұстаушы Кепіл берушіден сақтандыру жағдайының басталу фактісін, соның ішінде Кепіл нысанының бүлінуін растайтын құжаттарды уақтылы тапсыруды талап етуге құқылы.
45. Кепіл ұстаушы Кепіл берушіден Микрокредит беру ережелерінде қарастырылғандай осы Шарт бойынша міндеттемелерін орындау үшін қажетті кез келген құжаттар мен ақпаратты талап етуге құқылы.